



## Optelln- un Nummereern-Tricks

### Optelln vun sülvén?!



Dat kümmt faken vör: Se schrifft normalen Text, de avers mit Nummern anfangt, un batzt! maakt Word dor en automaatsch Nummereern ut. Orr Se schrifft Afsätt, de mit Streek un Tabs anfangt, un Word maakt dor en Optelln ut.

- So kann dat utsehn: Wenn Se nu **Enter** drückt,
- maakt Word foorts en Optellnteken na vörn.




Dat AutoKorrektur-Symbol vörn wiest, dat Word hier egenmächtig hannelt hett.


- Se köönt nu op dat AutoKorrektur-Symbol klicken...
- ...un den automaatschen Kraam **Rückgängig** maken. Dat geht ok mit den gewöhnlichen **Rückgängig**-Befehl.



- Wenn Se gor nich mehr hebben wüllt, dat Word sik vun allein an Optelln to schaffen maakt, denn klickt Se op de tweete Opschoon. Denn lett Word dat in Tokumst na.



- Wenn Se sülvén sehn wüllt, wat de AutoKorrektur allens kann un dörf, klickt Se op de drütte Opschoon. Se kaamt denn in den AutoKorrektur-Dialoog, den Se ok över Menü **Extras | AutoKorrektur** apen maken köönt. De tostännige Registerkoort is **AutoFormat während der Eingabe**.
- Wüllt Se de automaatsche Optelln un Nummereern wegmaken, mööt Se de eersten twee Hoken in den Beriek **Während der Eingabe übernehmen** wegklicken.



## AutoFormat während der Eingabe

Alle Auto-Saken sünd Eegenmächtigkeiten vun Word, de bannig argerlich ween köönt. Na min Menen dröff in den ersten Beriek vun düsse Registerkoort **Während der Eingabe ersetzen** alle Hoken stahn (wenn Hyperlinks Se nervt, klickt Se den letzten Hoken dor weg), in den tweeten gor keen un in den drütten höchstens de eerste. Dat Bild baven wiest min Instelln, as se nu sünd. Probeert Se man alle Instelln dörch!


## Verschachtelte Optelln

Optelln un ok Nummereern köönt dörchut stückerwat Ebenen hebben. Kann ja ween, dat een Optellnspunkt noch Ünnerpunkt hett! De ünneroordnete Liste schall wieder na rechterhand inrückt ween un anner Listenteken hebben. Keen Problem! Dat geht so:

- Se maakt toerst mal de ersten Optellnspunkt klaar.

- As eerst mööt wi mal anfangen.
- Denn mööt wi avers en lütt Liste infögen:
- |


- Wenn Se nu an de Steed sünd, 'neem de Ünner-Liste anfangen schull, klickt Se op dat Symbol to'n Intoog-Vergröttern op de Symboollist. In en Optelln bewirkt dat, dat en Ünner-Ebene anfängt! – De Optelln-Teken, de Se hier präsentiert kriggt, köönt Se achterna noch ännern.



- Nu schrifft Se komodig Ehr Ünner-Liste.

- As eerst mööt wi mal anfangen.
- Denn mööt wi avers en lütt Liste infögen:
  - eerstens
  - tweetens
  - drüddens
  - |


- Wenn Se an den Punkt anlangt sünd, 'neem Se op de höhere Ebene trückkehren wüllt, klickt Se op dat Symbol to'n Intoog-Verringern op de Symboollist. In en Optelln bewirkt dat, dat een op de höhere Ebene trückkehrt.



- As eerst mööt wi mal anfangen.
- Denn mööt wi avers en lütt Liste infögen:
  - eerstens
  - tweetens
  - drüddens
- Un nu mööt wi op de Hööftevene wiedermaken.|

- Nu schrifft Se de Optelln toenn.
- Gefällt Se nu de Stil vun de Ünner-Liste nich, denn maakt Se dat, as Se dat wennt sünd: Markeert Se de Listenpunkt un gaht Se na Menü **Format | Nummerierung und Aufzählungszeichen**, denn köönt Se den Stil **Anpassen**.

- As eerst mööt wi mal anfan
- Denn mööt wi avers en lütt
  - eerstens
  - tweetens
  - drüddens
- Un nu mööt wi op de Hööft




Natürlich kann de Ünnerlist noch Ünner-Ünner-Listen binn sik hebben! Dorto mööt Se eben dat Ganze nochmal verschachteln. De twee neegsten Biller wiest en Optelln mit dree Ebenen un en Nummereern mit dree Ebenen.

- As eerst mööt wi mal anfangen.
- Denn mööt wi avers en lütt Liste infögen:
  - eerstens
  - tweetens: Dat gifft hier wedder Ünnerpüñkt:
    - een
    - twee
    - dree
  - drüddens
  - veertens
- Un nu mööt wi op de Hööftevene wiedermaken.
- Dat kannst verschachteln, so veel du wullt.

### Dat is nienich to laat

Een kann ok nadreeglic en Koppel Listenpüñkt op en anner Evene stopen. Dorto markeert Se man bloots de Listenpüñkt un klickt denn op **Einzug vergrößern** (de Listenpüñkt kaamt op en neddere Evene) orr **Einzug verkleinern** (de Listenpüñkt kaamt op en högere Evene). Ok dat kannst mehrmalen maken.



- As eerst mööt wi mal anfangen.
- Denn mööt wi avers en lütt Liste infögen:
  - eerstens
  - tweetens: Dat gifft hier wedder Ünnerpüñkt:
    - een
    - twee
    - dree
    - drüddens
    - veertens
  - Un nu mööt wi op de Hööftevene wiedermaken.
  - Dat kannst verschachteln, so veel du wullt.

1. Vörwoort
2. Kapittel Een
  - a. Inlieden
  - b. Opklaarn
  - c. Slussfolgern
3. Kapittel Twee
  - a. Anfang
  - b. Middeldeel
    - i. Ünnersöken
    - ii. Besnupperrn
    - iii. Keen Intress
    - iv. Laat mi an Land!
  - c. Enn
  - d. Epilog vun düt Kapittel
4. Kapittel Dree
  - a. Prolog
  - b. Versööksoopbuu
  - c. Experiment
  - d. Ergeevnis
5. Kapittel Veer


*De markeerten Afsätt warrt glieks een Evene na nerrn stoopt*

## Reegnwessel in Optelln

Hett en Optellnsunkt veel Text, dennso kriggt he stückerwat Reegn – dat is ja klaar.

- Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text. Düsse Optellnsunkt hett veel Text.
- Düsse ok.

Man wat is, wenn een in en Optellnsunkt partu an en bestimmte Steed en niege Reeg anfangen will? **Enter** drücken? Denn gifft dat ja al en niegen Optellnsunkt!

Bi düt Problem behelpt wi us mit den erdwungen Reegnwessel, den wi ok vun de Tabstopp-Tabelln (Siet 27 in düt Trickbook) her al kennt: **Ümschalt+Enter** drücken! Dordör fangt en niege Reeg an, avers keen niege Afsatz. Dat Stüertecken dorför is de Knickpiel . In dat na-folgen Bild, dat mit anknipste Stüertecken maakt is, is dat good to sehn.

➤ → Düsse·Optellnsunkt·hett·en·Reegnwessel·hier·  
fangt·en·niege·Reeg·an,·ahn·dat·en·niege·Optellnsunkt·anfangt!¶

### Oppass: Keen Blocksatz!

Erdwungen Reegnwessel in Blocksatz seht dösing ut – de ümbraken Reeg warrt denn bet an't Enn deht. Bi erdwungen Reegnwessel lever linksbünne Utrichten!

## Upps?! Word tellt wieder?!

Se nummereert wat, un dat fangt nich mit 1 an. Upps?  
Wosaken kümmt dat?

Na, dat kann bedüden, dat Word en fröhere Nummereern foortsett. Hebbt Se jichenswo in densüligen Text al en Nummereern stahn? Denn knüppt Word dor wohl an. Klickt Se in Ehr Nummereern un wählt Se Menü **Format | Nummerierung und Aufzählungszeichen**. Linkerhand nernn sitt de Knoop **Neu nummerieren**. Dor köönt Se Word anwiesen, de niege Nummereern ok mit en niege 1 an-fangen.

